

Dumonda Jochum concernent il svilup da las regiuns perifericas – collavuraziun cun ils uffizis chantunals

Las regiuns perifericas cumbattan per restar uschè independentas sco pussaivel e per sa sviluppar da maniera uschè autonoma sco pussaivel sco er per crear e per mantegnair las premissas per ina buna basa da viver, inclusiv l'infrastructura necessaria. La gulivaziun da finanzas è in agid fitg apprezzà; i na po dentant betg esser la finamira da sa basar mo sin quest sustegn.

Las zonas perifericas, ma betg mo quellas, sa stentan da restar finanzialmain uschè independentas sco pussaivel. Ellas sustegnan projects innovativs, s'engaschan per crear cundiziuns generalas favuraivlas per domiciliar novas interpresas pitschnas e mesaunas e procuran che interpresas già activas sin lur territori possian sa sviluppar vinavant. Mintga singula piazza da lavur è da gronda impurtanza per il chantun, ma anc dapli per las zonas perifericas.

Cun gronda preoccupaziun constatain nus che questas plazzas da lavur na survegnan pli e pli savens betg l'impurtanza e l'attenziun ch'ellas meritan. Displaschaivlamain preschentan ils departaments e l'administraziun soluziuns e reorganisaziuns che na tegnan betg mo quint insuffizientamain dal princip da la decentralisaziun e dal rinforzament dal commerzi e dal mastergn local, mabain che cuntrafan per part er als interess locals.

Perquai che la collavuraziun tranter ils uffizis chantunals n'è betg adina optimala, daventa la tschertga da soluziuns localas raschunaivlas mintgant anc pli difficila per las vischnancas.

Durant la sessiun da zercladur a Puntraschigna èn vegnids numnads differents exempels en quest reguard: la polizia en Bregaglia, incumbensas e cumpetenzas che fissan da laschar a las vischnancas, la centralisaziun latent ed inevitabla, crappa transportada dal Puschlav en il Partenz ...

En quest connex supplitgain nus la regenza da responder las suandantas dumondas:

1. È la regenza conscienta da las difficultads, cun las qualas las vischnancas èn confruntadas, cur ch'ellas persequiteschan la finamira da restar uschè independentas sco pussaivel e da sa sviluppar da maniera uschè autonoma sco pussaivel?
2. Vegn la regenza infurmada, sch'i dat posiziuns divergentas tranter ils uffizis chantunals?
3. È er la regenza da l'avis ch'i duess vegnir dada l'attenziun maximala al mantegniment da las plazzas da lavur existentas, creadas d'interpresas privatas, ed a la creaziun da novas plazzas da lavur en las regiuns perifericas?
4. È la regenza er da l'avis che las plazzas da lavur da l'administraziun chantunala en las regiuns stoppian vegnir resguardadas seriusamain en vista a la decentralisaziun e che las vischnancas directamain pertutgadas stoppian – en cas concrets – vegnir involvidas a temp?
5. È la regenza perencletga cun il princip che la soluziun regiunala-locala duess survegnir dapli paisa en cas d'ina ponderaziun dals interess tranter differents puncts da vista dals uffizis chantunals?

Cuira, ils 30 d'avust 2019

Jochum, Müller (Susch), Maissen, Aebli, Atanes, Berther, Bigliel, Bondolfi, Brandenburger, Brunold, Buchli-Mannhart, Cantieni, Casty, Censi, Della Cà, Deplazes (Cuira), Deplazes (Rabius), Derungs, Dürler, Ellemunter, Engler (Tavau Vitg), Epp, Fasani, Favre Accola, Flütsch, Gartmann-Albin, Geisseler, Giacomelli, Gort, Hardegger, Hartmann-Conrad, Hefti, Hitz-Rusch, Hofmann, Holzinger-Loretz, Jenny, Kasper, Koch, Kunfermann, Kunz (Cuira), Loi, Michael (Castasegna), Müller (Susch), Müller (Favugn), Natter, Niggli (Samedan), Niggli-Mathis (Grüsch), Noi-Togni, Papa, Pfäffli, Preisig, Rettich, Rüegg, Salis, Schmid, Schutz, Schwärzel, Tanner, Thomann-Frank, Tomaschett-Berther (Trun), Ulber, Waidacher, Weidmann, Wellig, Widmer-Spreiter (Cuira), Zanetti (Sent), Zanetti (Landquart), Costa, Davaz, Federspiel